

2 Korinti

Yai zézé ac.

1 ¹Anutuac ewa siŋ niŋac Kristo Yesuac Méliméli ic waŋi ni Paulo zéma ninzéh ninzéh munanina Timoteo niri hénariŋ Korinti ama areŋa yandaiguc keczu zéma ic embac téréya Akaia baec séc keczu ionac momacnec kiwi yomi oénécmizic; ²Neŋaŋ Maŋgocnina Anutu zéma Miŋ Kewunina Yesu Kristo iorarunec ewa hia zéma luaenéŋ onac muru he énécmimac.

³Miŋ Kewunina Yesu Kristo iwac Maŋgocya Anutu mepésimiwiŋ. Inéh wésé niniŋac Maŋgoc zéma qeri mebélac qebélac hénia hénia moczoŋ imuac Anutu kecanzac. ⁴Inéh zéra waiya hénia héniaiguc qeri mebélac qebélac waŋ nénécmianzac. Waŋu neŋaŋ qeri mebélac qebélac Anutuac murunec meyiŋ iminéŋnec ic embac tosara zéra béra hénia héniaiguc keczu imi bénzéhŋnec qeri mebélac qebélac waŋ énécmiwiŋ. ⁵Imi mia hénia yomuac niŋac imuhuc zézua; Kristoac qenzeŋ manzeŋnéŋ neŋaŋ kekeciguc sécgéma hezac. Imuhucyanec qeri mebélac qebélacnéŋ Kristoac murunec hama neŋaŋ muru qesalecgé nénécmizac hénia imuac niŋac imuhuc zézua. ⁶Nini zéra waiya mihicŋima kecanciguc imi onac qeri mebélac qebélac zéma aŋgéŋ tiénécmimiawac niŋac, waŋu nini qeri mebélac qebélac waŋ nénécmimiawac kecanciguc imi acguc onac qeri mebélac qebélac niŋac, qeri mebélac qebélac iminéŋ onac muru ai meyu zéra béra nini mihicŋianziŋ imuhucya imi ini acguc hia bisiqatéh wamma naŋselimu. ⁷Ini zéra waiya imuaru toroqema kecanzu ésécnec qeri mebélac qebélaciguc imuhucyanec wamma kecmu imi ni ninzua imuac niŋac niŋkinzéhŋnina onac muru hezac imi mimiŋzalia qahac.

⁸Ninzéh ninzéh dacmuna hécnina, imi mia hénia yomuhuc niŋac, nini Asia baeciguc zéra waiya qahaiguc kecma éréyiŋ imi ini ménda nimmu niŋac ménda wanziŋ. Nalé imuaru zéra waiya yéwéria sécnina ogicogicya qacninaiguc emma kilanzi nénécmiyu kekecninawac niŋkinzéh imi acguc waiyiŋ. ⁹Humucac buŋa zétecgé nénécmimia zéma niŋni hélaguc waŋec, néŋ haka imuhuc hicŋi nénécmiyec imi mia nini neŋaoc ménda héiseli amuma humuc ic meqeli énécmianzac Anutu iwac muru sac

héiseliwiŋ niŋac imuhuc hicŋi nénécmiyec. ¹⁰Waŋu inéŋ mia humucac déc igucnec metecgé nénécmiyec. Waŋu toroqema metecgé nénécmimac. Waŋu muŋgucnec metecgé nénécmimac zéma iwac muru niŋkinzénŋina haianzŋi. ¹¹Waŋu ini acguc toroqe nénécmima zéwelec wamma méra nénécmimu. Imi mia ic embac sasalanéŋ naŋgé nénécmima zéwelecgic ewa hiawac ai buŋa nénécmiyu iminéŋ ai meni, nonac niŋac wamma Anutu ewa hia ac wammimu.

¹²Nini baeciguc kecma haihaka wamma onac muru geŋ imi ogicogicyawac wamma Anutuac haka méndacma keŋhéi hahéi qahac hélacnec wamma baecac niŋtegic qŋntegiciguc qahac, néŋ Anutuac ewa hiayaiguc héima namma ai meanzŋi imi nonac ewa qeri solaja ninanéŋ héipuc waŋ nénécmizac. Waŋu nini imi imuac niŋni eeyaguc waŋanzac. ¹³Imi mia hénia yomuhuc niŋac, Nini kiwi tosara qahac, néŋ ini hia olomma hia niŋtegicmuac séc imuhucya sac oénécmianzŋi. Ini niŋasaridacmu zéma niŋkewu waŋ énécmizua. ¹⁴Ini hénianina bakianec sac niŋasarianzu imuac séc Miŋ Kewunina Yesuac nalé yandaiguc nini onac zézé ségiségigina wanni, ini acguc nonac zézé ségiséginina wammu.

¹⁵Ni imi hélacnec ninzéngeyi. Hénia imuac niŋac onac muru walac hamaŋ zé niŋareŋgeyi. Imuhuc wamba ini hatac éréhécnec mériaŋginaguc wammu. ¹⁶Hénaiguc keŋ inicma Makedonia baeciguc kemmaguc muŋguc Makedonia baec imuacnec onac muru liliŋgé hawa méli néŋu Yuda baeciguc kemmaŋ zé niŋ areŋgeyi. ¹⁷Ini niŋgic ni sic saoc nimma hénia qahac imuhuc waŋi tanec wanzac me séwinawac siŋ méndacma eŋ hia hia qahac qahac zéma niŋareŋgeyi tanec wanzac me? ¹⁸Anutu imi méŋzé méŋzéya qahac, imuac séciguc acna imi acguc hia zémaguc duŋa melemma qahac ménda zémaŋ. ¹⁹Ni zéma Siliwano^a zéma Timoteo neneŋ Anutuac naŋa Yesu Kristo iwac hénia imi sugginaiguc zéau énécmiyiŋ. Waŋu inéŋ hia zéma qahac ménda zéyec. Imuac niŋac iwac muru imi hia sac heanzac. ²⁰Kristoac qeriaiguc imi Anutuac sisipac ac imi moczoŋ yanda hia zézéya. Imuac niŋac nini iwac muru héima namma hélacnec zéma Anutu mepésimianzŋi. ²¹Nini zéma ini momacnec Kristoac qeriaiguc meseli nénécmima halécnéŋ météré nénécmiyec imi mia Anutu. ²²Inéŋ mia eŋeya qara asé kiwi ésécnec ewa qerininaiguc oma Uŋa Téréya nénécmiyec. Waŋu Uŋa Téréya iminéŋ iwawai kecma hicŋi nénécmimac imuac qérawia wanzac.

²³Ac geriwaguc waŋ énécmiwi niŋac ni Korinti ama areŋa yandaiguc ménda hayi. Ac imi hélacnec zézua, Anutunéŋ qeri uŋanawac héipucya wanzac. ²⁴Ini ninzén ninzéniguc naŋselima keczu imuac niŋac, nini onac ninzén ninzén imuac galaŋ kecziŋ zéma ménda zézua, néŋ nénéwécgeŋa iguc ini ségiségigina mihicŋimu niŋac, ai momacgina kecziŋ.

^a 1:19 Roma ic eneŋ Silawac Siliwano zéaŋgic.

2 ¹Hénia imuac niḡac, ni onaru muḡuc ewa goronaguc ménda hamañ zé niḡselizua. ²Ewa biric mihicḡi énécmizuaiguc, nenaoc ewa biric mihicḡi miyi i qahac waḡu, ic diminéḡ ewa hia mihicḡi nénzac? ³Ni kiwina imuhuc oénécmiyyi imuac hénia imi onac muru hamañ nalé imuaru ewa hia mihicḡi némmuac hezac ionac murunec ewa biric mihicḡiwi niḡac. Ni imi nuac ewa hianéḡ momac yanda onac ewa hia wammac zéma niḡkumuzua. ⁴Ni qerina yéwériyu ewa goro wamma kecba kic masina sasala mayec imuac niḡac kiwi imi oénécmiyyi. Waḡu imi mia yéwéri mihicḡi énécmimaḡ niḡac qahac, néḡ onac siḡna sasala késa kecḡua imi niḡtegiḡmu niḡac kiwi imi oénécmiyyi.

Képésic waiwai.

⁵Mérénéḡ méḡ waḡu ewa biric hicḡizaciguc imi, netecgéma ogicma zémaḡ zé ménda wanzua, néḡ zékaḡ zékaḡ zéwa, inéḡ imi nuacnec ménda mihicḡizac, néḡ hénaoriḡ moczoḡ yanda mihicḡi énécmiyec tanec wanzac. ⁶Sasalanéḡ ic imuhucyawac zémindiḡi qemindiḡi wammigic nimba sécgézac. ⁷Imuac niḡac néwécgeḡac képésicya waimima ewa qeria mebélacgéḡic. Ewa biric ogicogicyanéḡ hélanziḡiwac niḡac. ⁸Imuac zéwelec énécmizua, siḡ niḡmimanec kecḡu imi mewininigic seligimac. ⁹Ni imi ini ackuazéc moczoḡ niḡtohoanzu me qahac imi batucgé nimmaḡ zéma kiwi imi oénécmiyyi. ¹⁰Ic méḡac méḡ képésira waimigic ni imuhucyanec waimimaḡ. Képésic imuac me imuac waimizuaiguc waiwai hakana imi Kristoac kiwaiguc onac niḡac wawaḡa. ¹¹Nini Biria miḡinawac niniḡ qambaḡa imuac qelaḡa ménda kecziḡ imuac niḡac Biria miḡinanéḡ ikoc waḡ nénécmiwac niḡac imuhuc wanzua.

Sisipac ac qeliawac ai ichéra.

¹²Ni Kristoac buḡa suruc hiabia zéau énécmimaḡ zé Troa amaiguc keḡi nalé imuaru Miḡ Kewuninanéḡ niḡnéḡu ai memec saḡulaḡ méḡ auma naḡec. ¹³Waḡu ni ninzéḡ ninzéḡ dacmuna Tito imi ménda mihicḡiyyi imuac niḡac nuac ewa qerina imi hia ménda mebélacgéyi, néḡ yaizézé ac waḡ énécmima Makedonia baeciguc keḡi.

¹⁴Waḡu Anutu ewa hia ac wammiwiḡ, inéḡ nalé séc Kristoac qeriaiguc meseli nénécmiyyi yaréiguc onogicanziḡ. Waḡu Kristo niḡmimia imuac héméḡa hiabianéḡ neḡaḡ murunec saima baec séc sécgéma keḡanzac. ¹⁵Hénia imi yomuhuc; Nini imi gési énécmimia zéma humucac buḡa ionac suginaiguc momacnec Anutuac kiwaiguc Kristoac héméḡa wanzuḡ. ¹⁶Tuḡ méḡac muru héméḡa iminéḡ humucac buḡa tanec waḡu humuciguc onagicma kemmac, néḡ tuḡ méḡac muru imi héméḡa iminéḡ kekecac buḡa waḡu kekeciguc onagicma kemmac. Ic mérénéḡ ai buḡa imuac sécyi wammac? ¹⁷Nini ic tosara ésécnec soukiwa mihicḡiwiḡ zé waiḡiguc doku haianzu ésécnec Anutuac ackuazécnéḡ diwi qiwiḡiḡa

ménda wajanziŋ, néŋ nini imi Anutunéŋ méli nénécmiyu Anutuac kiwaiguc zéma Kristoac qeriaiguc qeri hélacnec zéau énécmianziŋ.

3 ¹Nini neŋaoc zénaŋgé amuwih zé muŋguc hénima ac zéziŋ? Nini ic embac tosara éscnec zénaŋgé ac kiwi onac muru haini hamac me, onac murunec nonac muru kiwi imuhucya haigic hamac niŋ qesi énécmiwiŋac ménda hezac. Ini niŋgic imuac wambiŋac hezac me? ²Eŋaoc mia kiwinina wanŋu. Imi mia ewa qerinaiguc ooya. Ic embac momac yanda oloŋ nimmuac hezac. ³Ini imi Kristoac kiwi héndéŋ héndéŋa kecgic héŋgaleŋ waŋ énécmima kecziŋ. Waŋu kiwi imi kirifi dokuyanéŋ ménda ooya, néŋ Anutu kekecyaguc iwac Uŋanéŋ ooya. Waŋu Kiwi imi hoc hilaŋaiguc ménda ooyanéŋ ic embac ewa qerininawac hilaŋaiguc ooya.

⁴Niŋkinzéŋnina imuhucya Kristoac murunec imi Anutuac kiwaiguc késa kecziŋ. ⁵Iwawai imuac me imuac imi moczoŋ neŋaŋ murunec zéma neŋaoc sécnina hezac imuhuc ménda zéma nimbiŋ. Néŋ sécnina séc he nénécmizac imi Anutu arunec zéma nimbiŋ. ⁶Inéŋ mia sisipac ac qelia imuac ai ic wambiŋ zé niŋkinzéŋnina mihicŋi nénécmiyec. Imi mia kiwianéŋnec qahac, néŋ Uŋayanéŋnec, kiwinéŋ nunuhumuanzac néŋ Uŋanéŋ kekec mihicŋi nénécmianzac.

Sisipac ac qeliawac edamuya.

⁷Kiwi hoc hilaŋaiguc néndéŋgéma ooya, humuc mihicŋi nénécmimia, imuac ai acguc edamuyaguc hayu Israel qelihéra ieneŋ Moseac kic taneciguc imuac asaha hama héiyu, kecma qahac wawaŋa, imuac niŋac wamma héŋsosomalima hémmuac séc qahac waŋec. ⁸Uŋa téréyawac ai imi séc ménŋ ogicma edamuyaguc ménda wammac me? ⁹Képésicginaguc zétecgé nénécmiawac ai imi edamuyaguc wanzaciguc, solanaguc zénénécmimia imuac ai imi edamuya qesalecgéma mamaya wanzac! ¹⁰Imi hénia yomuhuc niŋac imuhuc zézua; Edamuya ogicogicya ménŋnéŋ hayu becneŋ edamuyaguc kerec imi mia mepé qepésiyaguc ménda wanzac. ¹¹Kecma qahac wawaŋa imuhucyanéŋ edamuyaguc wanzaciguc heheseli heheya iminéŋ edamuya ogicma kuneneŋnec wanzac.

¹²Nini imi niŋkumu imuhucyaguc kecziŋ, imuac niŋac, bac yandi yandi qahac, haihaka wajanziŋ. ¹³Mosenéŋ Israel qelihéra imi iwawai kecma qahac wawaŋa imuac tetcgia imi ménda héŋosomalimu niŋac kereŋnéŋ eŋeya kic tanera hoturu amuma kerec. Waŋu nini imi imuhuc ménda wajanziŋ. ¹⁴Néŋ éréma deguc acguc imi eneŋ ewa seliseli waŋ énécmimia waŋu sisipac ac wahala oloŋ niŋanŋu nalé imuaru kereŋ imi ménda augic heanzac. Waŋu kereŋ imi Kristoac qeriaiguc auyu mazac. ¹⁵Waŋu érékecma deguc Moseac kiwi oloŋanŋu nalé imuac séc kereŋ imi ewa qerigina hoturu énécmimanec hezac. ¹⁶Waŋu ménŋnéŋ Miŋ Kewunina Yesuac muru melemma kemmac nalé imuaru mia kereŋ imi

aumimia wammac. ¹⁷Miņ Kewunina imi Uņa keczac, imuac niņac imuac me imuac Miņ Kewuninawac Uņa keczac imuaru mia qutuma keņha wawaņa hezac. ¹⁸Neņaj momac yanda imi kic tanecninaiguc kereņ qahac Miņ Kewuninawac edamu imi wikiņiguc hénziņ éscnec héņanziņ. Hénni Miņ Kewuac Uņanéņ waņ nénécmiyu iwac tanecac séc melemma edamuya décyá méņac murunec emma méņac muru kereņanziņ.

**Iwawai eeyagucnéņ kewuc
nomuņ qeriaiguc hezac.**

4 ¹Imuac niņac Anutuac wésé niniņiguc ai yomi késa kecziņ imuac nini qeri mama ménda wanziņ. ²Néņ Imuac gamu qeqe haka sasaņgiaiguc wawaņa imi waima diwi qiwiliņ haka héņacya mema Anutuac ackuazéc imi ménda mohosowiņ, néņ ac héla zéau énécmima Anutuac kiwaiguc icya icya ionac ewa qeriginanéņ kétéņkétéņ waņ énécmiyu niņgési nénécmimu niņac neņaoc mewinini amuanziņ. ³Neņaj buņa suruc hiabia imi kereņaguc hezaciguc imi humucac buņa ionac muru sac imuhuc hezac. ⁴Ionac muru imi Anutuac kic tanera Kristoac buņa suruc hiabia imuac edamuya imi ménda hémmu niņac baec yomuac baniara ginanéņ ménda niņzéņgéanzu ionac ewa qerigina hoturu énécmiyu keczu. ⁵Hénia yomuhuc niņac ac imuhuc zéma mazua, Nini imi neņaj niņac ménda zéau énécmianziņ, néņ Kristo Yesu imi momac yanda neņaj Miņ Kewu keczac imi zéma Yesuac niņac wamma nini onac welen qeqe ic kecziņ imi zéau énécmianziņ. ⁶Hénia imi yomuhuc; Siņi tunumaņ qeriaiguc asac mararaņnéņ qetagaliyu zéyec Anutu iminéņ waņ nénécmiyu Yesu Kristoac kic taneraiguc Anutuac edamuya niņmimiawac asac mararaņ hemizac iminéņ neņaj ewa qerininaiguc qetagali nénécmianzac.^b

⁷Neņaj imi iwawai eeyaguc imi zéic baecnéņ memeya séwinina imuac qeriaiguc késa kecziņ. Imi mia kuc yanda imi Anutuac muru hezac, néņ neņaj muru ménda hezac imi niņtegicma kecbiņ niņac imuhuc waņ nénécmiyec. ⁸Néwécnec néwécnec hélanzi nénécmianzu, néņ hézé hézézaya ménda waņanziņ. Kukuderec mihicņi nénécmianzu, néņ kucmama ménda waņanziņ. ⁹Nunuhéi waņ nénécmizu, néņ ménda wai nénécmiyu kecanziņ. Qeņzaņgé nénécmianzu, néņ ménda birima qahac waņanziņ. ¹⁰Imuhuc wamma séwininaiguc Yesuac humucyawac buņa imi bisima kenni Yesuac kekecyawac buņa acguc séwininaiguc hicņiteguru hémmu. ¹¹Imi mia Yesuac kekecnéņ séwinina houhouyawac buņa imuaru hicņiteguru hémmu niņac neņaj kekecninaguc nalé séc Yesuac niņac wamma humucac déciguc nonopocgic kereņanziņ. ¹²Imuac humucnéņ nonac muru ai meyu kekecnéņ onac muru ai mezac. ¹³Ni niņzéņgési

^b 4:6 Hén 1:3

imuac zéauyi^c imuhuc ooyawac hezac ésécnec, nini ninzéh ninzéhac ewa qeri imuhucya késa kecziñ, imuac niñac nini acguc ninzéhngéziñ imuac zéauziñ. ¹⁴Imi mia hénia yomuhuc niñac, Miñ Kewunina Yesu meqelimiyec inéh mia Yesuguc nini acguc meqeli nénécmiyu iniguc momacnec iwac wésiaiguc nambiñ zéma niñtegicziñ. ¹⁵Imi hélacnec, nini imi Anutuac ewa hiayanéh sécge énécmiyu ic embac sasalanéh ewa hia ac zésaima keñgic Anutuac muru edamuya hemimac niñac haihaka nina moczoñ yanda imi onac hia niñac wamma meanziñ.

¹⁶Imuac nini qeri mama ménda wanziñ. Séwi icninanéh zazagima kenzac, néñ qeri icnina imi naléya naléya qelimanec keñanzac. ¹⁷Hénia imi yomuhuc; Nalé hotoña dac meanziñ zéra béra efefia iminéh edamu yéwéria hehe seli heheya imi mihicñi nénécmimac. ¹⁸Héhéhña imi hotoña dac hemac, néñ ménda héhéhña imi hehe seli hemac, imuac mia nini imi kicninanéh héhéhñawac séc imuac qahac, néñ kicninanéh ménda héhéhña imuac kic hihi wamma kecanziñ.

Kurumeñ amaiguc tacyac wambiñ.

5 ¹Kic hihi wamma kecanziñ imuac hénia imi yomuhuc; Baec séwi halinina imi birima qahac wañu, ama méñ Anutunéh menénéc mimia, méranéh ménda memeya, ou kurumeñiguc hehe seli heheya he nénécmizac imi ninziñ. ²Imi sac qahac hénia méñ imi yomuhuc; Nini séwi hali yomuac qeriaiguc yaiwisisiñ wamma kurumeñac séwi ama héinénécmiyu mewiñ zé qerininanéh késama mambéc kecziñ. ³Imuhuc héiwiñiguc, katanec ménda nanni ninicmu. ⁴Hali yomuac qeriaiguc kecma bisi qatéhiguc yaiwisisiñ wañanzziñ imi hetecgéwiñ niñac qahac néñ imuac qahaiguc méñ qeliawac héini houhouyawac buña imi kekecnéh qécgémac niñac imuhuc wañanzziñ. ⁵Wañu Anutunéh mia haka imi mihicñi nénécmima Uña Téréya nénécmiyec. Wañu Uña Téréya iminéh haka tosara kecma hicñi nénécmimac imuac asé kiwi wañ nénécmizac.

⁶Imuac niñac nini baecac séwi halininaiguc kecanziñ nalé imuaru imi Miñ Kewunina ou keru nini lakec you neñacnec kecanziñ imi ninziñ, néñ kileñ nalé séc niñkinzéhñinaguc kecanziñ. ⁷Imi mia nini kicninanéh héhéhña imuaru qahac, néñ ninzéh ninzéhiguc kecanziñ. ⁸Nini niñkinzéhñinaguc, wañu efima séwiac ama hali imi waima ama héla imuaru kemma Miñ Kewuninaguc kecbiñ zé wañanzziñ. ⁹Imuac nini kecbiñ me waima kembiñiguc, ségiségi mihicñi miwiñ zéma niñselima kecanziñ. ¹⁰Hénia imi mia yomuhuc, neñañ moczoñ yanda Kristoac zégésigési tatac imuac wésiaiguc wininima namma neñac neñac séwininaiguc kecma wawañ meme hia me biria wañiñ imuac séc méndacma bakia mewiñac hezac.

^c 4:13 Leg 116:10

Miņ Kewuac luae qeque ai.

¹¹ Miņ Kewuninawac bac yandi yandi imuac hénia niņtegičanziņ, imuac niņac ic embac tosara zénaņgé énécmiziņ. Waņu nini miņ séc Anutunéņ niņyacgé nénécmizac. Waņu ini acguc ewa kėtiņ kėtiņ waņ énécmiyu niņyacgé nénécmizu zéma niņkumuzua. ¹² Nini muņguc neņaoc ménda zénaņgé amuziņ, néņ eņaoc nonac niņac niņgic zézé ségiségi ginaguc wammu niņac nalé titiņa méņ mihicņi énécmiziņ. Waņu tosara ewa qeriac buņa niņac qahac, néņ séwiac buņa niņac wamma meyac amuzu imi onac ac bakia hia melerē énécmimu. ¹³ Nini ewa soho kecziņiguc imi Anutuac wamma imuhuc kecziņ. Waņu nini ewanina hia kecziņiguc imi acguc onac niņac wamma imuhuc kecziņ. ¹⁴ Momacgucnéņ momac yanda neņaņ niņac wamma humuyec. Imuac niņac neņaņ moczoņ humuyiņ imi niņzéņgézua. Hénia imuac niņac Kristoac goi héihéinéņ hinocgé nénécmizac. ¹⁵ Waņu kekecguc kečanziņ neņaņ imi muņguc neņaņ niņac wamma ménda kecbiņ, néņ neņaņ niņac humuma muņguc qelima yarec iwac niņac wamma kecbiņ niņac inéņ momac yanda neņaņ niņac humuyec.

¹⁶ Imuac degucmuanec ic méņac méņ séwiya hémma ménda nimbiņ. Nini Kristo acguc séwiiguc hémma niņi, néņ muņguc méņ imuhucyanec ménda niņanziņ. ¹⁷ Imuac ic méņnéņ méņ Kristoac qeriaiguc keczu imi ic qelia, wahala imi keņec, néņ héņgic, qelia hazac. ¹⁸ Haka imuhucya imuhucya moczoņ Anutuac murunec hicņihicņiya. Inéņ Kristoac qeriaiguc ewa momac mihicņi nénécmiyec. Waņu ewa momac mihicņi énécmimiawac ai buņa qenénécmiyec. ¹⁹ Imi mia Anutunéņ késpedesnina imi ménda olomma Kristoac qeriaiguc eņeyaguc baec ic embac momac yanda ewa momac mihicņi nénécmiyec. Imuhuc wamma ewa momac mihicņi mihicņiyawac ackuazéc imi méraninaiguc hai nénécmiyec. ²⁰ Hénia imuac niņac nini imi Kristoac kua meme ic wamma Anutunéņ neņaņ kuanina mema zéwelec énécmizac ésécnec Kristoac nananiguc namma zéwelec énécmima yomuhuc énézézua, Anutuguc ewa momac wamma kecmu. ²¹ Anutunéņ neņaņ imi Yesuac qeriaiguc Anutuac solaņ dindiņawac buņa wamma kecbiņ niņac Kristo késpedes méņ ménda waņec, néņ késpedes ic tanec nimmiyec.^d

6 ¹ Anutuguc momacnec ai meanziņ nenené énézézziņ, Anutuac ewa hia imi eņ ménda késa kecmu. ² Imuac Anutunéņ yomuhuc zézac, Nalé nimba hezac^{e f} Niņzu, deguc imi nalé nimba hezac imi mia wanzac, niņzu, deguc imi aņgéņ titiac naléya wanzac! ³ Aininaiguc gocya mihicņiwu niņac nini haihaka qonzon tonģé énécmimia méņ

^d 5:21 Me késpedesac mulu. ^e 6:2 Énépésimaņac séc wanzac. imuaru gezac qema niņénécmizua, waņu aņgéņ titiac naléiguc méra énécmizua. ^f 6:2 Yes 49:8

ménda hai énécmianziŋ. ⁴Néŋ ainina meanziŋ séc Anutuac welenŋ qeŋe ic kecziŋ zéma imuac séc neŋaocnec mewinini amuma yéwéri hénia hénia eŋeŋa yomuhucyaiguc naŋ selianziŋ, zéra waiya, yéwéri, waižalaŋ, ⁵nunuhéi, hésa ama, qewelonŋ waŋ nénécmimia, ai yanda, gau qeŋe, yaka niŋ humuc, ⁶métére amuma kekec, niniŋ ai, bisiqatéŋ wamma kekec, qambaŋtoho, Uŋaguc kekec, goi héihéi héla, ⁷Ac héla zéma Anutuac kuha qeriaiguc kekec, kekec solaŋawac sou méra héi kananinaiguc késa kekec, ⁸edamuiguc me mema titiiguc, qac buŋa hia me biria, ic héla kecni ikoc ic zénénécmimia, ⁹ic eŋomia tanec, néŋ ic qac buŋa ninaguc kecma, ic humumia tanecnéŋ kekecninaguc, haka biriawac bakia meziŋ tanecnéŋ ménda humuziŋ, ¹⁰ewa biric kekec tanecnéŋ nalé séc ségiségininaguc, maqeŋeya tanec, néŋ sasala mériaŋ mihicŋi énécmianziŋ, iwawai méŋ ménda késa kecziŋ tanecnéŋ iwawai moczoŋ yanda he nénécmizac.

¹¹Korinti ic embac, kuanina imi efima auauya, imuac ewa qerina imi acguc onac auauyawac hezac. ¹²Nonac goi héihéinina imi moucmoucgia qahac néŋ iminéŋ onac ewa qeriginaiguc mouc moucŋiawac hezac. ¹³Ni nambérac hécna énézéanzua ésécnec énézézia imuac ini acguc eena héima ewa qerigina imi meyangic moucmoucgia imi qahac waŋu.

Ic ninzéŋ ninzéŋgina qahac iniguc ewa koroŋ koroŋ ménda wammu.

¹⁴Solaŋ dindiŋa zéma hénia ac logiloginéŋ dimuhuc séc éréreŋ wammaoc? Asac mararaŋ zéma siŋi tunumaŋnéŋ dimuhuc ala waŋamumaoc? Imuac niŋac ini imi ménda ninzéŋgéanzu iniguc ewa koroŋkoroŋ ménda wammu. ¹⁵Kristo zéma Beliaru^g iereŋ némaciguc ewa momac wammaoc? Ninzéŋ ninzéŋ icnéŋ ic méŋ ménda ninzéŋgéanzac i guc némac iwawai amunec qamunec wammaoc? ¹⁶Anutuac ocmuŋ zéma baniara iereŋ némaciguc niŋni momacguc wammaoc? Anutunéŋ zéyec ésécnec neŋaŋ imi Anutu kekecyaguc iwac ocmuŋ kecziŋ. Imuac mia Anutunéŋ yomuhuc zéyec; Ni ionac sugcinaiguc keŋha wamma i iniguc momacnec kecmaŋ, ni ionac Anutugina wamba ieneŋ nuac ic embachécna wammu.^h ¹⁷Miŋ Kewunéŋ yomuhuc zézac, Imuac ini ionac murunec éréma héŋ héima kecmu. Waŋu iwawai sigiginawac buŋa qeŋeya imi késa osi ménda wammu. Imuhuc waŋŋic, neŋ héihére énécmimaŋ. ¹⁸Neŋ onac maŋgoc waŋ énécmiwa ini nuac nambérac hécna wammu. Medac medac wandac wandac miŋinanéŋ imuhuc zézac.ⁱ

7 ¹Ala sorohecna neŋaŋ imi sisipac ac zéma maziŋ imuhucyawac késa kecziŋ, imuac mia Anutuac bac yandi yandi wamma kecbiŋ. Kecma kekec téréya imi mesolaŋanima séwinina zéma uŋaninawac haka biria hénihénia igucnec météré amuma kecbiŋ.

^g 6:15 Beliaru imi Sacdaŋac qara méŋ, qac imuac hénia imi Ikoc miŋina.

^h 6:16 Lew 26:12, Yer 32:38, Ezk 37:27 ⁱ 6:18 2Sa 7:14, 2Sa 7:8

Pauloac zézé ségiségiya.

²Ini ewa qerigina ménda angéj tinénécmimu. Nini méñac méñ haka biria ménda wañ énécmiyiñ. Méñac méñ ménda mebiri énécmiyiñ. Wañu iwawaigina eñ ménda onagirin. ³Ni késpedesigina zéhicñimañ zé ac imuhuc ménda zézuu. Bec zéyi éséc nec, nonac ewa qerininaiguc kecgic momac nec kecma momac nec humuwiñ niñac imuhuc énézézua. ⁴Ni niñkinzéñgéma énézézua. Ni onac niñ nimba zézé bipiginaguc wañu qeri mebélac qebélac hakanéñ sécgé néñanzac. Wañu zéra waiya hénia hénianinaiguc ségiséginéñ qesalecgé néñanzac.

⁵Hénia imi yomuhuc; Nini Makedonia baeciguc hayiñ nalé imuaru nonac séwinina imi tachiahiaru qahac kerin, néñ hénia séra séc zéra waiya mihicñiyiñ. Séñganğeniguc tualeficnéñ, ewa qerininaiguc bac yandi yandinéñ he nénécmiyec. ⁶Néñ Qeri mama wawaña qerinina mebélacgé nénécmianzac Anutu inéñ mia Tito hayu qerinina mebélac nénécmiyec ⁷Tito hayec imi sac qahac néñ meseli wammigic meme seli onarunec mihicñiyec imuac suruc wamma ini qerinéñ késama mambéc kecanzu imi zéma, zésiacgina zéma, qeri siñgina nuac hezac imuac suruc momac nec wañ némma qerina mebélacgé néñu ségiségi wammanec wañi. ⁸Imi mia hénia yomuhuc niñac, ni kiwina oénécmima niñyéwéri mihicñi énécmiyi imuac nimbiri amuyi. Néñ kiwi iminéñ nalé hotoña dac sac niñyéwéri mihicñi énécmiyec imi niñasarima deguc imi ménda nimbiri amuzua. ⁹Ni deguc ségiségi wanzua imi mia niñyéwéri mihicñi énécmiyi imuac niñac qahac, néñ niñyéwéri ginanéñ énépésima keñ onoporu ewa hakagina melengic hénia imuac niñac mia. Ini Anutuac ewa siñiguc niñyéwérigic imuac niñac kiwi nonac murunecnéñ hénia méñac méñiguc haka méñac méñ ménda mebiri énécmiyec. ¹⁰Anutuac ewa siñiguc niñyéwéri wañanzin imi kecma ménda nimbiri amuwiñ. Niñyéwéri imuhucyanéñ ewa hakanina hainetec mihicñima angéñ titiiguc nonagicma keñanzac. Wañu baecac niñyéwéri imuhucyanéñ humuc mihicñi nénécmianzac. ¹¹Héngic, Anutuac ewa siñiguc niñyéwérima kekec imi yéwéri qeriaiguc eñañ héniaigina qitiric zéaumu niñac ewa qeriginaiguc wésé polañ dimuhucya, zésolañ amuamuya dimuhucya, qerigina kétin kétin dimuhucya, bac yandi yandi dimuhucya, qerinéñ késama mambéc kekec dimuhucya, qeri siñ dimuhucya, zémindiñi qemindiñi dimuhucya mihicñi énécmiyec. ¹²Imuac kiwi oénécmiyi imi ic méñ késpedes wañec me ic méñ késpedes eñ wammimia iorac niñac qahac, néñ qeri siñginanéñ Anutuac kiwaiguc onac muru hicñi énécmimac niñac oénécmiyi. ¹³Wañu ai imuac nec nini héibélac qéibélac wañ nénécmimia wanzin.

Wañu Titoac qeri uñanéñ onac niñac wamma qeri bénzén mihicñiyec. Imuac niñac ewa qerinina mebélac gégéya imuac qahaiguc toroqema

iwac ségiségi niñac nini ségiségi wammanec wamma kecziñ. ¹⁴Ackuažéc énézéyiñ imi moczoñ héla wanžac éséc nec Tito ézéma meyac énécmiyi imi acguc ac héla wanžac, imuac niñ ni onac ac suruc ézéma meyac énécmiyiguc imuac gamuna ménda niñzua. ¹⁵Ini moczoñ bac yandi yandi wamma zénéñ hirihiri wamma héihéré mima ara niñtoho wammigic imuac niñ qelima ewa qeriyanéñ onac muru moczoñ kendacžac. ¹⁶Ni solañanec niñkinžéñgé énécmizua imuac niñac ségiségi wanžua.

Haihulac haka.

8 ¹Ninžéñ ninžéñ dacmuna hécna Anutunéñ Makedonia hénaoriñ goi héihéiya qeénécmiyec imi ini nimmu niñac wanžua. ²Žéra waiyawac manam batuc kuney yandaiguc ségiséigina qesalecgé énécmima mayu maqe qe osiqosiyaiguc kiléñ haihulac wamma haleñgina kuney yanda aleñ aleñ késama haigic. ³Ni héipuc ac wamma zéau énécmizua, ieneñ hia wammuac séc haleñ hai énécmima eñañ ewa siñgina méndacma sécgina ogicma hai énécmigic. ⁴Ieneñ imi ic embac téréya tosara weleñ qeénécmima haleñ hai énécmimiawac ai imuaru toroqewiñ zé niñénécmiwiñ niñac hélac nec zéwelec nénécmigic. ⁵Kic hihi wañiñ imuac nec sac qahac néñ toroqema ieneñ walac eñañ kekecgina Miñ Kewuninawac muru haimigic, wañu imuhucyanec Anutuac ewa siñiguc nonac muru hai nénécmigic. ⁶Titonéñ bec suginaiguc ai imi héniyec imuac niñac ewa hiawac haleñ ai imi meyacgéma metecgémac niñac zénañgé miziñ. ⁷Ini ninžéñ ninžéñ zéma ackuažécgina zéma niniñgina zéma wésé polañgina zéma goinina héianzu ai imuhucya moczoñiguc séc méñ ogicma wamma meanzu éséc nec ewa hiawac haleñ haihai aiiguc acguc imuhuc séc méñ ogicma wamma memu.

⁸Ni zéseli énécmima ménda zézua, néñ onac siñgina iminéñ hélac nec me qahac imi tosara ionac wésé polañ hakaginaguc haiséséc wamma niñgésima kecžua. ⁹Imi mia hénia yomuhuc niñac imuhuc zéma mayi; Miñ Kewunina Yesu Kristoac ewa hiyawac haka yomi ini niñzu. Inéñ eñeya maqe qe ya néñ nec ini sécgina séc wamma kecmu niñac eñeya saméñ bipiyaguc kerec, néñ onac niñac maqe qe ya wañec. ¹⁰Ai imuac mia niniñna zéwa niñgic iminéñ nañgé énécmimac. Ini yawuñ emumuac walac ai imi hénima megic. Wañu imi sac qahac ini imuac muñguc wammañ zé ewa siñgina he énécmiyec. ¹¹Imuac ai imi mema medacmu. Wañu wésé polañgina he énécmizac séc, iwawaigina he énécmizac séc méndacma wamma medacmu. ¹²Wammuac siñgina he énécmizaciguc, iwawai he énécmizac séc haigic memeyawac séc wammac, wañu ménda he énécmizac iguc nec imi ménda memeya wammac. ¹³Imi mia tosara meefi énécmima ini meyéwéri énécmimañ niñac qahac, néñ séc éréreñ

waŋu kecmu niŋac. ¹⁴ Onac saméŋaginanéŋ ionac mété qététaŋginawac, imuhucyanec ionac saméŋaginanéŋ onac séc mété qététaŋginawac haigic keŋha waŋu, séc éréreŋnec hiabia wammac. ¹⁵ Imuac mia yomuhuc ooyawac hezac, sasala tocgégic imi eneŋ saméŋa ginaguc ménda waŋgic. Waŋu komodia tocgégic imi eneŋ acguc mété qététaŋ ginaguc ménda waŋgic.

Tito Korinti ama areŋ yandaiguc mélimiyec.

¹⁶ ^{16a} Onac niŋac wamma wésé polañ nenamuru henénzac imuhucyanec Anutunéŋ Titoac ewa qeriaiguc momacnec haimiyec. ¹⁷ Miyu inéŋ nonac zénaŋgé ac késayec imi sac qahac, néŋ wésé polañ hemiyecac deguc kuneynec ogicma hemiyu eŋeya ewa siŋ méndacma onac muru kemmaŋ zé kenzac imuac niŋac ^{16b} Anutu ewa hia ac wammizua. ¹⁸ Ninzéŋ ninzéŋ dacmuna méŋ i guc momacnec mélini hazac. Waŋu inéŋ mia buŋa suruc hiabia zéau énécmima hénarion tuŋa tuŋa ionac sugginaiguc qac buŋayaguc waŋanzac. ¹⁹ Imi sac qahac, nini Miŋ Kewuninawac edamuyawac niŋac zéma nonac ewa siŋ héla imi énézéyu hémmu niŋac zéma ewa hiawac haleŋ ai meni ic imi momacnec keŋha wammac niŋac hénarion tuŋa tuŋa ieneŋ gésimima kumugic. ²⁰ Nini imi haleŋ kuney yanda nonac méraninaiguc haigic galeŋgéanzij ai imuac méŋnéŋ méŋ zébiri nénécmiwac niŋ técnina nimma kecanzij. ²¹ Hénia imi yomuhuc, nini Miŋ Kewuninawac kiwaiguc sac qahac, néŋ ic embac ionac kicginaiguc momacnec haka hiabia wambiŋ zé, técnina nimma kecbiŋ zé wanzij. ²² Waŋu iriguc momacnec ninzéŋ ninzéŋ dacmuna méŋ mélini keŋec. Iwac mia héŋgésima niŋni, ic imi ai sasala imuac wésé polañaguc kerec. Waŋu deguc imi onac niŋu ewa qeriaiguc niŋkinzéŋ kuney yanda hicŋimiyu, wésé polañ imi ogicma kuney yanda ai imi memaŋ zé wanzac. ²³ Titoac zéwa niŋgic, inéŋ onac welen qe qe ainaiguc mérana zéma ai momacna wanzac, waŋu ninzéŋ ninzéŋ dacmuna éréhécnac niŋac zéwa, iereŋ imi hénarion tuŋa tuŋa ionac méliméli ic éréhécgina zéma Kristoac edamuya wanzaoc. ²⁴ Imuac niŋac ini imi hénarion tuŋa tuŋa ionac kicginaiguc eŋaŋ siŋginawac héla zéma zézé bipi ac waŋ énécmiyij imuac hénia imi eŋaŋ haihaka ginaiguc haima ic haréwéc ionac mewinini énécmigic hémmu.

9 ^{12a} Ni onac wésé polañ imi ninzua hénia imuac niŋac ¹ ic embac téréya welen qeénécmimiawac kiwi muŋguc oénécmimaŋ zé nimba hénia qahac wanzac. ^{22b} Ni onac niŋ wamma Makedonia ic embac énézéma Akaia baeciguc imi yawuŋ emumuac bec zéréŋ qéréŋ wandacgic zéma onac mepési énécmiyij. Waŋu imuhuc énézéwa onac wésé polañginanéŋ ic embac héla yanda ewa qerigina meefi énécmiyec. ³ Waŋu mepési énécmima ac zéyi iminéŋ héla qahac ménda wammac, néŋ zéyi éscnec zéréŋ qéréŋ wandacmu niŋac ic imi méli énécmiyi.

⁴Qahac waŋu, Makedonia ic embac ieneŋ niguc momacnec kemma ini zéréŋ qéréŋ ménda wamma kegcic inicmuiguc ini sac qahac, néŋ nini momacnec ninzégéma kerieŋ imuac mia gamunéŋ qacninaiguc embac niŋac. ⁵Imuac ni ninzéŋ ninzéŋ dacmuna ini meefi énécmiwa walac walac onac muru hama ewa hiawac haleŋ becneŋ haiwiŋ zé ac zikima zégic imi nalé ménda ducŋiyunec zéréŋqéréŋ wandacmu zéma zénaŋgé énécmimu iminéŋ hia zéma niŋi. Imuhuc zéréŋ qéréŋ wamma tocgogic zéhinociguc qahac, néŋ ewa hiawac haleŋ héla wammac.

Héla sasala mihicŋiwiŋ zé gocmia nétéréma qesagic.

⁶Aŋgétima komocdia héihimic wammu imi eneŋ komocdia metocgomu, néŋ nétéréma sasala héihimic wammu imi eneŋ sasala metocgomuac hezac. ⁷Ŋingic qeriginaiguc hezac imuac séc méndacma haimu, néŋ aŋgétitiginaguc me zéhinociguc ménda haimu. Anutunéŋ ewa hia nimma haianzu ionac siŋgina niŋanzac. ⁸Imi mia nalé séc ai hiabia imuac me imuac sécginaguc wamma nétéréma memu niŋac Anutu imi ewa hiawac buŋa hénia hénia hia qesalecgé énécmimacac kuha hemizac. ⁹Ac kiwi yomuhuc hezac; inéŋ séc qema méndemma ic maqeqeya énécmianzac. Waŋu iwac solaŋ dindiŋawac haka imi nalé teteŋgia qahac hemac.^j ¹⁰Héi himicanzu ionac muru wariha zéma neneac buŋa momacnec énécmianzac inéŋ iwawai mesai énécmima wariha énécmima imuhucyanec onac solaŋ dindiŋawac haka imuac héla momacnec toroqe énécmimac. ¹¹Ini hénia hénihéniaiguc mesécgé énécmiyu haka hénihéniaiguc sese kuneŋ yanda hai énécmigic, eŋaŋ haihulac haka imuac hélanéŋ ai meni ic embac ieneŋ Anutu ewa hia ac ézému. ¹²Weleŋ qeŋe ai iminéŋ ic embac téréya tosara iwawai imuac me imuac hocgic mihicŋi énécmianzac. Waŋu imi sac qahac, haka iminéŋ ewa hia kuneŋ yanda Anutu qesalecgé mianzac. ¹³Weleŋ qeŋe ai iminéŋ héipuc waŋ énécmiyu, Kristoac buŋa suruc hiabia imi hélacnec zéauma niŋtoho wamma, Yerusalem héniorieŋ zéma ic embac tosara ewa hiawac haleŋ haihulac yandanec weleŋ qeénécmigic, hémma ic embac ieneŋ Anutu mepésimianzu. ¹⁴Imuac ieneŋ acguc onac niŋac zéwelec ai mema Anutuac ewa hiaya ogicogira qacginaiguc he énécmizac imuac niŋac onac niŋ wamma kecanzu. ¹⁵Iwac sese imi acninanéŋ zézéyawac séc qahac, imuac niŋac Anutu ewa hia wammizij.

Paulonéŋ aiya niŋac saiwa acya énézéyec.

10 ¹Iniguc aŋamma kecanzua imuaru memaamuma kecanzua, néŋ wai énécmima lakeŋ kecanzua imuaru imi zénéŋ hirihiri qahac ac énézéanzua Paulo ni nenaoc deguc imi Kristoac memaamuma

^j 9:9 Leg 112:9

kekecac haka zéma gum bénzénzénj hakaiguc namma zéwelec waŋ énécmizua. ²Nini séwiac siŋiguc namma haihaka waŋanzij zéma nimbiri nénécmianzu imi onac ac selianec énézémarjac hezac. Waŋu onacmuru hama imuac séciguc meefima ménda zémarj zé zéwelec énécmizua. ³Nini séwiiguc kecanzij imi hélacnec, néj séwiac nanaŋiguc yaré ménda qeanzij. ⁴Yaréninacwac tewi zakonj imi séwi igucnec qahac, néj Anutuac kuhanéj raragina selia quwuc muwura tianzij. ⁵Waŋu ac zéen zémaya imi zéhézénjgéma iwawai Anutuac ninij qetalima emma nanzac imi qeni maanzac, waŋu Kristo niŋtoho wammimu niŋac nininŋina hénia hénia imi ziki sipacgé énécmianzij. ⁶Niŋ tohotoho hakaginanéj hélaguc wandaru acqeŋe haka tosara zémindiŋi qemidiŋi wambiŋ zé zéréj qéréj wamma keczij.

⁷Ini imi séwiiguc sac ninicgési waŋ nénécmianzu. Ic méŋnéj eŋeyaoc Kristoac buŋa kecanzac imuac niŋkinzénj gézaciguc eŋeya ésécnec nini acguc Kristoac buŋa kecanzij imi ewa qerianéj muŋguc nimma niŋtegiac. ⁸Qac buŋa Miŋ Kewuninanéj nénécmiyec imi hézénjgé énécmiwiŋ niŋac qahac, néj meyac kumu énécmiwiŋ niŋac nénécmiyec imuac niŋac ni imuac komora ménj ogicma meyacamuma zémarjiguc gamuna ménda nimma. ⁹Ni kiwi o énécmima memeteric waŋ énécmimanj zé wanzua éséc nimbu niŋac. ¹⁰Ic tosara ienej yomuhuc zéanzu, iwac kiwiya imi yéwéria zéma kuhagucnéj eŋeya hama ninicmaciguc qeka meka wamma ac hiabia ménda zéanzac. ¹¹Ic imuhucya imi enej yomuhuc niŋtegiacu; Nini imuaru kemma iniguc momacnec kecbiŋ nalé imuaru imi iniguc ménda kecma kiwiiguc oma zézij ésécnec haihaka imuhucya hélacnec wambiŋ.

¹²Nini imi tosara eŋaj meyacamuma zéanzu iniguc haiséséc wamma niŋgési amuwiŋac séc qahac, néj ienej eŋawunec haiséséc waŋamuma héŋgési waŋamuanzu imuac ionac nimba niŋtegi qinŋtegiacgina ménda he énécmizac. ¹³Nini imi sécnina ogicma ménda meyac amuwiŋ, néj Anutunéj miŋ séc méndéj nénécmiyec nanaŋ imuhucgeŋ tima kecbiŋ. Imuhuc wamma kec keczu imuac séc ai mewij zé haréyij.^k ¹⁴Nini imi méréc mérécginawac Kristoac buŋa suruc hiabia énézéwiŋ zé walac walac hayij, imuac niŋac nini onac muru hayij nalé imuaru imi nanaŋ ninawac séc imi ogicma ménda hayij. ¹⁵Nini imi tosara ionac ai memeiguc héima namma sécnina ogicma ménda meyac amuzij, néj ninzénj ninzénjgina yandima kemmac séc sugcinaiguc nonac ai memec titiŋa imi nétéréma kunej yanda wammac zéma imuac niŋkumuma keczij. ¹⁶Imi mia tosara ionac ai buŋaiguc namma bec mihicnigic imuaru héima ménda meyac amuwiŋ, néj onac baecgina hezac imuac andiaiguc ogicma kemma buŋa suruc hiabia imi énézéwiŋ zé imuhuc

^k 10:13 Mél 18

wamma kecanziŋ. ¹⁷Žéžé ségiségi wambiŋ zé Miŋninawac qeriaiguc zéžé ségiségi wammu.¹ ¹⁸Méŋ eŋeyawac mepési amumac imi héipucyaguc qahac, néŋ Miŋninanéŋ mepésimimac iminéŋ héipucyaguc wanžac.

Paulo zéma Yesuac Méliméli ic ikora.

11 ¹Hakana qelaŋa dac imuac ewaginanéŋ nanŋé némma niŋkeczu zéma niŋkumuzua. Ohecgina mezua, bisiqatéŋ waŋ néŋgic! ²Ni Anutuac qeri siŋiguc onac niŋac qeri siŋ ninzua. Ni ini embac seranŋa solaŋa ésécnec Kristoac muru onopocmaŋ zé zammaréŋiguc iwac buŋa qeénéc Mizua. ³Mokoleŋnéŋ diwi qiwiliŋaiguc Ewa imi ikoc wammiyec ésécnec onac ninéŋ solaŋa zéma ninéŋ héla Kristoac muru héikumugic heyec imuacnec héŋacya mema néŋgacma ewa qeriginanéŋ zapi qeqeya wambac niŋac. ⁴Imi mia hénia yomuhuc niŋac imuhuc zéma mazua, Méŋnéŋ méŋ hama Yesuac hénia zéau énécmiyiŋ imi qahac, néŋ hénia méŋ zéau énécmizac me Uŋa megic imi qahac, néŋ uŋa méŋ énécmizac me buŋa suruc hiabia niŋgic imi qahac, néŋ méŋac énécmizaciguc nalé imuaru imi ini gum bénžénžéŋ wamma gezacgina hia haianzu. ⁵Yesuac Méliméli ic kunéŋ kunéŋ iniguc haiséséc wamma hémma nimba ewa bacginu ménda keczua. ⁶Hélaacnec, ni acna imi hiabianec ménda zéanzua, néŋ ninéŋna imi imuhuc qahac, héniana imi ic embac momac yanda suginaiguc hénia héniaiguc mewinini énécmiwa nindaczu. ⁷Ni eŋaŋ meyac énécmima nenaoc memaamuma Anutuac buŋa suruc hiabia boŋ tegic zéau énécmima képésicna mihicŋizua me? ⁸Ni weleŋ qeénécmaŋ zé wamma hénioréŋ tuŋa tuŋa tosara ieneŋ méra néŋgic mema kowu neyi gezaŋ. ⁹Ni iniguc kecma iwawai méŋac méŋ osima keru nalé imuaru méŋac méŋ yéwéri ménda mihicŋi miyi. Imi mia ninžéŋ ninžéŋ dacmuna tosara Makedonia igucnec hagic imi eneŋ iwawai ménda henéŋec imi mema hama néŋgic. Ni hénia héniaiguc yéwéri ménda mihicŋi énécmimaŋ zé galeŋ mema keru, waŋu toroqema imuhuc wamma keczua. ¹⁰Kristoac ac héla ewa qerinaiguc hezac imuac niŋac Akaia baeciguc imuhucyanec mepé qepési acna zéma mazua imi ewa qerinaiguc hezac imi méŋnéŋ menéŋqe némmacac séc qahac. ¹¹Hénia némac niŋac imuhuc zézua? Goigina ménda héima imuhuc zézua me? Imuhuc qahac, Anutunéŋ ninžac.

¹²Ic tosia eneŋ niniguc séc éréreŋ keczu zéma niŋénécmimu niŋac mepési amuwéŋ zé nalé titiŋa mihicŋiwéŋ zé waŋanzu, néŋ ionac nalé titiŋa imi netecgémaŋ niŋac ni imi waŋanzua. Waŋu imuac toroqema wammaŋ. ¹³Ic imuhucya imi Yesuac Méliméli ic ikora zéma ai ic ikora. Ieneŋ imi Kristo Yesuac Méliméli ic tanec héiyon baiyon wamma keczua. ¹⁴Imi mia haka méréra qahac. Biri miŋina acguc edamuya

¹ 10:17 Yer 9:24

kua meme uŋa tanec héiyon baiyon wamma kecaŋzac. ¹⁵ Imuac niŋac Biria miŋinawac ai ichéra imi eneŋ acguc eŋaoc solanŋ dindiŋawac ai ic tanec héiyon baiyon wamma kecaŋzu. Imi mia haka welicwelicgia qahac. Ieneŋ imi tetcgiaiguc wawaŋ memegina biria imuac bakia séc éréreŋnec késamu.

Paoloac kekec zérabéraya.

¹⁶ Ni muŋguc énézézua, méŋnéŋ méŋ nuac nimma ic qelaŋa ménda zéma nimmac. Waŋu imuhuc niŋzaciguc, qelaŋa éséc hia niŋnéŋu ni acguc komodia mepési amumaŋ. ¹⁷ Ac zézua imi Miŋ Kewuninawac ewa siŋiguc ménda namma zézua, néŋ haka qelaŋaiguc namma meefima mepési amuzua. ¹⁸ Ic sasala ieneŋ séwiiguc héima namma mepési amuanzu imuac ni acguc mepési amumaŋ. ¹⁹ Imi mia hénia yomuhuc niŋ imuhuc zézua, ini eŋaoc niŋgic niŋteŋgic qinŋteŋgic ginaguc waŋuguc kileŋ ic qelaŋa tosara ségiségi wamma ewaginaneŋ donŋgé énécmianzu. ²⁰ Imuacnec sac qahac, néŋ méŋnéŋ hésa ic éséc énépésizac me, kinecqinecya ésécnec énépésizac me, iwawaigina onagiczac me, meyac amuzac me, hulunŋ ginaiguc onotozaciguc qeriginaneŋ hia donŋgé mianzu. ²¹ Ni imuhucya me imuhucyawac qeka meka téŋgéŋ kerinŋ imuac gamuna bisima zéauzua. Néŋ Méŋnéŋ iwawai méŋac meefima meyac amumaciguc, ni acguc qelaŋa ésécnec meefi amuma hia zémanŋ. ²² Ieneŋ Hebiriao ic? Ni acguc. Ieneŋ Israel ic? Ni acguc. Ieneŋ Abarahamac qelihéra? Ni acguc. ²³ Ieneŋ Kristoac ai ic? Qelaŋ ésécnec zézua. Ni onogicma iwac ai ic héla kecza. Ai kuneŋ yanda onogicma meyi, hésa ic hatac sasala onogicma kerinŋ, hihilocnéŋ nugic qétéya imi olommaŋac séc qahac, nalé momacguc momacguc humucac déciguc kereŋi. ²⁴ Yuda ic eneŋ hihilocnéŋ hatac 5 nugic. Nugic séc, 40 igucnec 1 auma 39 séc nugic. ²⁵ Hatac 3 aribambanéŋ nugic, hatac 1 hocnéŋ gilima nugic, hatac 3 kondunŋiguc zéic biriyec, waŋu siŋi kaiwe momacguc kondunŋnéŋ huanéŋu kerinŋ. ²⁶ Héna gowogowoiguc haka yomuhucya hicŋinéŋec, doku téfara zérabéraya, kowu nene, nena ic embac, ic enia, ama areŋa yanda, baec kisia, kondunŋ, waŋu dacmuna ikora, imuac qeriaiguc séc, yéwéri mihicŋiyi. ²⁷ Waŋu kucqeŋe ai zéma qenzeŋ manzeŋ, siŋi sasala gau qeŋe, yaka niŋ humuc, doku niŋac déméŋna qanŋgararaŋ qeŋeya, nene qahac kekec, sanŋeŋa zéma séwi usu qahac imuac séciguc zéma ²⁸ waŋu imuac qahaiguc méŋ hezac imi naléya naléya héniorinŋ tuŋa tuŋa héŋgaleŋ waŋ énécmiwa yéwéria kuneŋ yandanéŋ hélanzinŋ néŋanŋzac. ²⁹ Sucginaiguc méŋnéŋ qeka meka waŋu ni acguc qeka meka ménda waŋanŋzua me? Sucginaiguc méŋac méŋ wammigic qonŋzontonŋ géyu ni acguc ewa biricna geriwaguc ménda waŋ néŋanŋzac me?

³⁰ Kileŋ meyac amumaŋac hezaciguc, iwawai qeka mekana mewininianŋzac imuac mia meyacmaŋ. ³¹ Miŋ Kewunina Yesuac

Manꞑocya, nalé tetecgia qahac mepé qepési waꞑmimiawac hezac inéꞑ mia ni ikoc ac ménda zéanꞑua imi ninꞑac. ³²Damasiko ama areꞑa yandaiguc ic kewu Areta iwac baec galeꞑa méꞑnénéꞑ ni népésimaꞑ zé ichéra énézéyu ama yanda imuaru awima kecꞑic. ³³Néꞑ alahécna eneꞑ ni neꞑgeꞑ yandaiguc tinémma ama areꞑa yanda imuac demiaꞑ gouꞑa igucnec hésaiguc tikologic hinꞑacma baec galeꞑ iwac méria igucnec néꞑgari.

Paulonéꞑ tiliꞑ tiliꞑiguc héꞑec.

12 ¹Ac haréꞑa tanec wanꞑac, néꞑ kileꞑ meyaꞑ amuma zémaꞑac hezac. Imuac Uꞑawac haka Miꞑ Kewuninanéꞑ nézéyu héꞑi imi zéma ac zéauma nézéyec imuac zéwa ninꞑic. ²Ni Kristoac ic méꝼ ninꝼua. Ic imi Uꝼanéꝼ wagiru kurumeꝼ qétéya 3 imuaru emma mayec. Mama keru yawuꝼ 14 bec tecgézac. (Nalé imuaru inéꝼ séwi qeriaiguc kerec me imuac séꝼgaꝼgeꝼiguc kerec imi ni ménda ninꝼua, néꝼ Anutunéꝼ ninꝼac.) ³Ni ic yomuhucya ninꝼua, (inéꝼ séwi qeriaiguc kerec me imuac séꝼgaꝼgeꝼiguc kerec imi ni ménda ninꝼua, néꝼ Anutunéꝼ ninꝼac.) ⁴I imi baec hafi zepaya qahac imuaru wagiru kemma ac zémacac séc qahac imuhucya niꝼec. Ic méꝼ humuma houmacac hezac méꝼnénéꝼ ac imi muꝼꝼuc zémacac niꝼ ménda zémimia. ⁵Ni ic imuhucyawac hia meyaꝼcmaꝼaꝼ, néꝼ nena imi qeka mekanawac ménda zéma méꝼac méꝼ mepési amumaꝼac séc qahac. ⁶Ni ac héla sac zémaꝼ, imuac niꝼac mepési amumaꝼ zé wammaꝼiguc imi qelaꝼa ménda wammaꝼ. Néꝼ méꝼnénéꝼ niꝼu haihakana iguc héꝼec me kuana igucnec niꝼec imi ogicma ic hiabia zéma niꝼnémbac niꝼac zémaꝼ zé osizua. ⁷Uꝼawac iwawai hénia hénia meaunéꝼec imuac nimba eꝼeꝼa yanda waꝼanꝼac. Imuac niꝼac ni sécna ogicma meyaꝼ amuwi niꝼac séwinaiguc waiya, qara Biria miꝼinawac kua meme uꝼa hainéꝼec. Imi mia sécna ogicma ménda meyaꝼ amumaꝼ niꝼac yéwéri mihicꝼi némmaꝼ zé imuhuc hainéꝼec. ⁸Waꝼu yéwéri imi wainémmaꝼ niꝼac Miꝼ Kewu zéwelec wammima kecba hatac haréwéc waꝼec. ⁹Waꝼu ac yomuhuc nézéyec, kucnanéꝼ qeka mekaꝼaiguc mesolaꝼanianaꝼac imuac niꝼac ewa hiananéꝼ sécꝼgé géꝼzac. Imuac niꝼ ni Kristoac kuhanéꝼ nuaru henémmaꝼ niꝼac séꝼiséꝼi wamma qeka mekanawac nimba eꝼu Anutu zéhiaru mimaꝼ. ¹⁰Qekameka mihicꝼianaꝼua séc kucnaguc waꝼanꝼua imuac niꝼ, ni Kristoac wamma qeka mekana zéma memaꝼtiti ac zéma ai yanda zéma, nunesi zéma yéwéri mihicꝼianaꝼua séc séꝼiséꝼi waꝼanꝼua.

Paulonéꝼ ic enia ionac ai ic buꝼa qemimia waꝼec.

¹¹Ni qelaꝼa wanꝼua, néꝼ ini hinocgé néꝼꝼic imuhuc wanꝼua. Eneꝼ meyaꝼ némmaꝼac hezac. Ni ic eꝼomia, néꝼ Yesuac Méliméli ic eꝼeꝼa yanda iniguc haiséséc wamma hémba ni ewac bacginu ménda kecꝼua. ¹²Ni

onac sucginaiguc gum bénzénzérj kunerj yandaiguc sésécac haka méréra zéma haka welic welicgia zéma ai kuhaguc wamma mewa iminéj Yesuac méliméli ic héla keczua imuac asé kiwiya waŋ nénzac. ¹³Yéwéri ménda mihicŋj énécmiyi kápésicna imi sac waima haka tosara ménac ménj niŋac ménda nimbiri némmu, néj welerj qeénécmiwa onac muru hénaorij tosia ionac séc ménda wawaŋa ménj he énécmizac me? ¹⁴Ninzu, onac muru hamaŋ zé zéréŋqéréŋ wamba deguc hatac haréwéc wanzac, néj yéwéri ménj ménda mihicŋj énécmimaŋ. Ni onac iwawaigina niŋac qahac, néj eŋaŋ niŋac wamma zéwelec énécmizua. Nambérac enerj neŋgoc maŋgoc ginawac iwawai hofiiguc haiyic heyu emmacac ménda hezac, néj neŋgoc maŋgoc eŋaoc nambérac hécginawac wamma imuhuc wammuac hezac. ¹⁵Ni mia kekec uŋaginanéŋ hiarumac niŋac ségiségi wamma iwawaina auma imuacnec toroqema kekecna momacnec hia auénécmidacmaŋ. Waŋu siŋgina niŋanzua séc kemma muŋguc yanda kunerj yanda waŋu, siŋna niŋgic séc kemma muŋguc yanda komora wammacac hezac me? ¹⁶ Ic tosianéŋ nuac yomuhuc zéanzu, ni onac réwéri ménda énécmiyi, néj diwi qiwiliŋ ic keczuawac diwi qiwiliŋ waŋ énécmima énépésiyec. ¹⁷Ni ichécna onaru méli énécmima ionarunec mérac zéwa méra néŋu iwawaigina onagiri me? ¹⁸ Waŋu Tito onacmuru kemmac niŋac zémiyi imuhucnec ninzérj ninzérj munana ménj méliwa wagic amuma hayoc, waŋu Titonéŋ hama iwawai ménj onagirec me? Ini niŋgic, i zéma ni nekaoc Uŋa téréya imuhucyanec zéma héna momacguc ménda kecanzic tanec wanzac me?

¹⁹Ini niŋgic éréma deguc nini héikenzé héihazé wammanec kecziŋ tanec wanzac gezaŋ. Imuhuc qahac. Nini Kristoguc kecma Anutuac kiwaiguc énézéziŋ. Ala sorochécna, imi moczoŋ ini naŋgé énécmiwiŋ zé zézéŋ. ²⁰Ni onac muru hamaŋ nalé imuaru, ini hémmaŋ zé niŋi haka imuhucya ménda wamma kecgic inicbi niŋac, ini acguc hémbiŋ zé niŋgic séc ménda wamma kecba némbu niŋac, bacna yandizac. Imi sac qahac onac muru tualefic zéma nimbupuc zéma qeri geric zéma méndéŋ amuma kekec zéma zébiri qébiri zéma andé lukuc ac zéma tétéc qeqe zéma kaižiliweŋ wamma kecbu niŋac zénéŋna hirizac. ²¹Onac murunec tosianéŋ haihaka zapi qeqeya zéma kaisero zéma nezéléléŋ haka imuhucya wamma qerigina ménda meleŋanzu. Waŋu imuhuc wammanec kecgic, onaru hawa Anutunanéŋ memanéŋu, ic imuhucya ionac siacma ewa goro wambi niŋac bacna yandizac.

Goro ac tetcgia.

13 ¹Ni deguc hatac haréwécac onac muru hamaŋ. Hama énézéwa héipuc ic éréhéc me haréwécnéŋ ac kuagina igucnec nindacma hélawac zéseliwiŋ.^m ²Hatac éréhéc hayi nalé imuaru bec goro ac énézéyi

^m 13:1 Hén 19:15

ésécnec deguc lakec kecma goro ac walac énézéwa niŋgic, muŋguc hamaŋ imuaru imi becnecc kápésic waŋgic ic ionac zéma ic tosara ionac kápésicgina imi ménda wai énécmimaŋ. ³Kristonéŋ nuac qeriiguc ac haiyu zéanzua imuac hénia hicŋitegiru hémbiŋ zé waŋanzu. Imuac niŋac imuhuc zézua. Kristo imi onac muru kuc mama ménda waŋanzac, néŋ ewa qeriginaiguc kuhaguc aiya meanzac. ⁴Hélawac zéni, Kristo imi kuc mama keru ic héŋgeŋa wéndaraiguc qegic, néŋ Anutuac kuciguc yarecac kecanzac. Nini imi imuhucyanec iwac qeriaiguc bélacgéma kecanziŋ, néŋ welen qeénécmiwiŋ zé Anutuac kuciguc kecanziŋ.

⁵Ini ninzéŋ ninzéŋguc kecanzu me qahac imi niŋasariwiŋ zé batucgéma niŋgési amumu. Yesu Kristonéŋ ewa qeriginaiguc kecanzac imi ménda niŋasarizu me? Ini imi ménda niŋtegiŋguc ini ninzéŋ ninzéŋ ic héla qahac. ⁶Waŋu nini imi ninzéŋ ninzéŋ ic ikora qahac, hénia imi niŋtegiŋguc niŋac waŋzua. ⁷Anutunéŋ galeŋgé énécmiyu kápésic méŋ ménda wammu niŋac Anutu zéwelecmima kecanziŋ. Imi mia ninicgic nini ninzéŋ ninzéŋ ic héla kecanziŋ tanec wambiŋ niŋac qahac. Nini imi ninicgic ninzéŋ ninzéŋ ic ikora tanec hia wambiŋ, néŋ ini imi haka silic solana wamma kecmu niŋac imuhuc wamma kecanziŋ. ⁸Nini imuhucyanéŋ haka méŋac méŋ ac héla imi logima wambiŋac séc qahac, néŋ imuacnec sac méndacma wamma kecwiŋac hezac imuac mia imuhuc zézua. ⁹Hénia méŋ imi yomuhuc; Kucnina qahac kecni kucginaguc kecanzu séc ségiségi wamma imuhuc solanaŋima kecmu niŋac Anutu zéwelecc wammianziŋ. ¹⁰Miŋ Kewunéŋ qac buŋa néŋec iminéŋ ménda hézéhéŋgé énécmimaŋ, néŋ meyac énécmimaŋ niŋac néŋec. Imuac niŋac ni onaru hama qac buŋana imuaru héima namma ac geriwiguc ménda waŋ énécmimaŋ zé lakec kecmanec walac goro ac oénécmizua.

Yaizézé ac tetecgia.

¹¹Dacmuna hécna ac tetecgiawac zéwa gezacgina haima nimma niŋtohomu, ségiségi wamma kecmu. Imuhuc wamma solanaŋima ewa momac wamma luaeguc kecmu. Goi héihéi zéma luae miŋina Anutunéŋ iniguc kecmac. ¹²Kiricne téréyaguc yaizézé ac waŋamumu.ⁿ ¹³Ic embac téréya momac yanda eneŋ acguc yaizézé ac waŋ énécmizu.

¹⁴Miŋ Kewu Yesu Kristoac ewa hia zéma Anutuac goi héihéi zéma Uŋa téréyawac ala kekecneŋ tuŋ onac muru he énécmimac.^o

ⁿ 13:12 Kiwi tosaraiguc ac yomi kemaŋa 11 tetecgiaiguc toroqema ogic heyu kemaŋa 13 zéma 14 imi melemma 12 zéma 13 ogic hezac. ^o 13:14 Kemaŋa yomi kiwi tosaraiguc ménda hezac.